



## STJÓRN SSH 456. fundur

Mánudaginn 9. apríl 2018, kl. 11:30, kom stjórn SSH saman til fundar á skrifstofu samtakanna, Hamraborg 9, Kópavogi.

Fundinn sátu: Ármann Kr. Ólafsson, Dagur B. Eggertsson, Ásgerður Halldórsdóttir, Haraldur Líndal Haraldsson, Haraldur Sverrisson og Gunnar Einarsson.

Fjarverandi: Guðný Ívarsdóttir

Páll Guðjónsson, framkvæmdastjóri SSH sat fundinn og ritaði fundargerð.

Ennfremur sat Hrafnkell Á. Proppé, svæðisskipulagsstjóri höfuðborgarsvæðisins, fundinn.

Stjórnarformaður SSH Ármann Kr. Ólafsson setti fund og stýrði.

Þetta gerðist:

### 1. Málefni skíðasvæða höfuðborgarsvæðisins /málsnr. 1501005

Fundinn sátu undir þessum dagskrárlið Ómar Einarsson, sviðsstjóri ÍTR og Magnús Árnason, framkvæmdastjóri skíðasvæðanna.

Fyrir fundinum lá minnisblað framkvæmdastjóra SSH með tillögu verkefnahóps vegna uppbyggingar skíðasvæðanna um mögulega forgangsroðun og áfangaskiptingu endurnýjunar og uppbyggingar mannvirkja skíðasvæðanna, sbr. tillögu samstarfsnefndar skíðasvæðanna að stefnumótun og framtíðarsýn skíðasvæðanna.

Umræður

#### Niðurstaða:

Stjórnin samþykkir að fela stjórnarformanni og framkvæmdastjóra að móta tillögu að samkomulagi sveitarfélaganna um uppbyggingu á grundvelli tillögu verkefnahópsins til undirritunar sem fyrst, enda liggja fyrir staðfesting aðildarsveitarfélaganna til grundvallar.

### 2. Samgöngumál á höfuðborgarsvæðinu /málsnr. 1510005

Rætt var um nýframkomna fjármálaáætlun ríkisins og ákvæði hennar um að teknar verði upp viðræður á þessu ári við SSH um fjármögnun til úrbóta á samgöngumálum, Borgarlínu og öðrum samgöngumannvirkjum á höfuðborgarsvæðinu, sbr. einnig ákvæði í stjórnarsáttmála og „samkomulag um markmið um afkomu og efnahag sveitarfélaga árin 2019-2023“ milli Sambands íslenskra sveitarfélaga og fjármálaráðherra og samgöngu- og sveitarstjórnarráðherra frá 6. apríl sl.

Í fjármálaáætlun ríkisstjórnarinnar segir m.a.:

*Í stjórnarsáttmála ríkisstjórnarinnar koma fram áherslur í samgöngumálum. Stefnt er að því að hraða uppbyggingu í vegumálum og öðrum samgönguinnviðum með hvorutveggja nýframkvæmdum og viðhaldi, bæta öryggi á vegum og stuðla að hagkvæmum og greiðum samgöngum. Vilji er til að eiga samstarf við sveitarfélög á höfuðborgarsvæðinu um Borgarlínu og aðrar framkvæmdir á svæðinu og verður ráðist í viðræður á árinu um það.“*



Stjórnin felur fulltrúum SSH í stýrihópi SSH, Vegagerðarinnar og samgönguneytisins að hefja undirbúning að mótun samningsmarkmiða SSH vegna þessara viðræðna þar sem tillögur stýrihópsins frá febrúar 2018 verði m.a. lagðar til grundvallar.

**3. Framvindumat vegna samnings um eflingu almenningsamgangna /málsnr. 1601001**

Á fundinn mætti undir þessum dagskrárlið Bjarni Rúnar Ingvarsson frá verkfræðistofunni Mannvit og gerði grein fyrir helstu niðurstöðum reglubundins framvindumats vegna samnings SSH og Vegagerðarinnar um 10 ára tilraunaverkefni um eflingu almenningsamgangna á höfuðborgarsvæðinu. Í samningnum er kveðið á um að árangurs- og framvindumat fari fram á 2 ára fresti.

Í framvindumati nú kemur fram að verkefnið hefur skilað árangri og flestir þeir mælikvarðar sem þar eru notaðir sýni jákvæðar niðurstöður. Enn hefur þó ekki tekist að ná viðunandi árangri í hlutfalli ferða með almenningsvögnum af heildarfjölda ferða á höfuðborgarsvæðinu.

Jafnframt var upplýst að stýrihópur verkefnisins hafi farið yfir þessar niðurstöður á fundi sínum hinn 15. mars sl. Í ljósi þess að samningurinn gerir á þessum tímapunkti ráð fyrir ítarlegra mati og tillögugerð um framhald verkefnis telji stýrihópurinn rétt að kallað verði eftir skoðun og greinargerð frá Strætó bs. um hvernig ná má sem bestum árangri við nýtingu framlags ríkisins í þessu verkefni og að fengnum tillögum gerir stýrihópurinn ráð fyrir að skila sínum niðurstöðum að loknum sumarleyfum.

Umræður

**Niðurstaða:**

Stjórn SSH tekur undir afstöðu stýrihópsins hér að ofan og kallar eftir því að stjórn Strætó bs. hefjist þegar handa við þá vinnu og tillögugerð sem þar kemur fram.

**4. Sameiginleg ferðaþjónusta fyrir fatlað fólk – stöðugreining vegna framhalds samnings /málsnr. 1711002**

Á fundinn mættu undir þessum dagskrárlið Hrafnhildur Brynjólfsdóttir og Árni Geirsson frá verkfræðistofunni Alta.

Gerð var grein fyrir niðurstöðum stöðugreiningar á helstu þáttum í framkvæmd sameiginlegrar ferðaþjónustu fyrir fatlað fólk sem unnin hefur verið fyrir samráðsvettvang velferðarsviða sveitarfélaganna. Þessi vinna er gerð til undirbúnings ákvarðanatöku sveitarfélaganna um framkvæmd samkomulags um sameiginlega ferðaþjónustu fyrir fatlað fólk þegar núverandi aksturssamningur Strætó bs. lýkur.

Umræður

**Niðurstaða.**

Gert er ráð fyrir að endanleg greinargerð Alta vegna málsins verði tilbúin á næstu dögum, og fari þá til lokameðferðar hjá samráðsvettvangnum sem kalla mun eftir afstöðu sveitarfélaganna til framhalds verkefnisins í ljósi niðurstaðna verkefnisins.

Fleira ekki gert – fundi slitið kl. 12:45